

**Kingusinnerpaamik UPA 2019-mi Majoriaq pillugu naliliinermik saqqummiusseqqullugit Naalakkersuisut peqquneqarnissaanik Inatsisartut aalajangiiffisassaattut siunnersuut. Naliliinermi nassuiarneqassaaq, innuttaasut ilinniarnissaannut sulilernissaannullu, piareersaasarnissaminut Majoriap siunertani qanoq naammassitigisimaneraa. Naliliinermut ilanngullugu aamma maannamut misilittakkat tunngavigalugit pitsanngorsaannissanut sipaarutissanullu siunnersuutit ilannguteqquneqarput.**

(Inatsisartunut ilaasortaq Nivi Olsen, Demokraatit)

### **Akissuteqaat**

Aatsitassanut Suliffeqarnermullu Naalakkersuisoq

### **Siullermeerinnineq**

Majoriamik naliliinissaq pillugu Inatsisartuni aalajangiiffissatut siunnersuut, Inatsisartunut ilaasortaq Nivi Olsenip Demokraatineersup saqqummiussaa, Naalakkersuisut qujassutigaat.

Suliniutit ammanerulernermik ersarinnerulernermillu kinguneqartut Naalakkersuisut tapersersornartuutippaat. Naalakkersuinikkut aaqqissuusseqqinnerit inatsisissatullu siunnersuutit maani Inatsisartuni aallartinneqarlutillu akuerineqartartut malinnaaviginerat pingaartipparput. Tamannalu patsisigalugu suliffeqarnermi nalilersuineq annertoq aallartereerpara.

Innuttaasut imminut pilersornerat nunatsinni aningaasaqarnerup imminut napatinnerulernissaanut aqquaaq; piginnaanngorsarnek, ilitsersuineq, suliffissanik innersuussinerit tassunga pingaaruteqarput.

Suliffeqarnek pillugu periusissiaq 2015 – ”Suliffeqarnek toqqissisimanartoq” Naalakkersuisut 2015-imi akuersissutigaat, Majoriamillu aaqqissuusseqqinneq periusissiap taassuma ilagaa. 1. januar 2016-imit Majoriaq kommunimi ingerlatsivittut ataatsit pilersinneqarpoq. Innuttaasumut ataatsimoorussamik aaqqiinerup taassuma ullumikkut innuttaasumut ilinnialernissamut suliffeqalernissamulluunniit piareerusuttumut, suliniutinut arlalinnik imaqartumik ataasiinnarmik iliuusissatut pilersaarusiortoqartarnera nassataraa. Suliamik ingerlatsinermi assigiiartumik periuseqartarnek, sullissinerup annertunerulernera innuttaasullu qitiutinneqarnerulernera aaqqissuusseqqinnikkut qulakkeernek arpoq.

Suliaq tamanna pingaaruteqarpoq. Suliffissarsiortummi sulilersut tamarmik ukiumut inuiaqatigiit aningaasaqarnerannut annertuumik iluaqutaassappat. Taamaalilluni august 2018-imi suliffissarsiortut amerlassusaata Naatsorsueqqissaartarfiup naatsorsuisalerneranilli 1.675-t suliffissarsiorderisigut appasinnerpaajunera nuannaarutissaavoq. Taamattaq inuit suliffeqartut pinerlunnianginnerusarnerat, atonerluinnginnerusarnerat peqqinnerusarnerallu misissuinerit takutippaat. Peqatigisaanik ilaqutariit aningaasanik amerlanernik atugassaqarnerat meeqqat peroriartornerannut atuarnernullu pitsaasumik sunniuteqartarpoq.

Inuusuttortavut amerlasoorpassuit ajoraluartumik ilinniarnermik aallartitsinngitsoortarput. Taakkunanga amerlasuut, ilitersuinermit piginnaangorsaanermullu tunngatillugu pitsaasup tungaanut kaammattugassaapput. Meeqqat atuarfianni unammillernartoqarallartillugu piginnaangorsarnermik ingerlatsinerit inuusuttortatsinnik ilinnialernissamik piareertitsisut pisariaqarput. Majoriaq aqutugalugu inoqaterpassuagut kalaallit, tuluit, qallunaallu oqaasiinik matematikimillu ilinniarnermi ingerlaqqissinnaangussutigisaminnik pissarsisarput.

Majoriami suliat ingerlalluartut malinnaaviginissaat pingaaruteqartoq isumaqarpunga. Taamaammatt Naalackersuisut Majoriaqarfiit kommunillu suleqatigalugit paasissutissamik pitsaasunik, tutsuiginartunik ataavartunillu peqarnissaq sulissutigaat. Majoriamik aqqissuusseqqinneq ingerlaavartuuvoq, ingammillu Majoriaqarfinni fagini piginnaasaqalernissaq, assigiiartunik periuseqarnissaq paasissutissallu eqaatsumik aqqissuunneqarnissaat annertuumik tunaartarisariaqarput. Maannangaaq inernerit nalilersornissaat mianersuutigissavarput, aqqissuusseqqinnerimmi taamaattut atuutilersinneqartarnerat piffissartornarsinnaasarpoq.

Suliffeqarnermi suliniutit siunissamut ungasinnerusumut sammisumik aningaasaliinertut isigineqassapput, taamaalillutillu piffissami maanna atukkatsinni ingerlalluarfiusumi qanittumut sammisutuinnaq isigineqarnani. Taamaammatt “2015-imi Suliffeqarnermi periusissiaq -Suliffeqarneq toqqissisimanartoq” tamakkerlugu nalilersorneqaqqissasoq Naalackersuisut siunnersuutigaat, tassanilu ilaatigut Majoriaqarfinnik aqqissuusseqqineq ilaavoq. Suliffeqarnermi suliniut tamakkiisoq ilinniarfissaraarput, nangittumillu ingerlallugu nunatta aningaasarsiornikkut kinguariarnermi akiuussinnaanerulernissaa taamatullu aamma piffissani aningaasarsiornepur siuariarnerani nukittunerulernissaa suliniutigalutigu.

Nassuiaatit taakku atorlugit Naalackersuisut aalajangiinissaq inassutiginiarpaat, UPA2019-imi “2015-imi Suliffeqarnermi periusissiaq - Suliffeqarneq toqqissisimanartoq” Naalackersuisoqarfiit akimorlugit tunngasumik nalilersuisoqassasoq, Majoriami nalilersuineq ilanngullugu.

Allannguutissatut siunnersuut: Inatsisartut aalajangiinissaannut siunnersuutigineqarpoq kingusinnerpaamik UPA2019-imi Naalackersuisut “2015-imi Suliffeqarnermi periusissiaq – Suliffeqarneq Toqqissisimasoq” pillugu attuumassutillit suleqatigiillutik nalilersuinnissaat, Majoriami nalilersuineq ilanngullugu.